

C O M I T A T U S  
B E L L O V A C U M,  
vulgo  
B E A V V O I S I N.



Ranciae nomen interdum laxius pro toto Galliarum regno, interdum vero strictius pro parte regni sumitur, quæ sub se complectitur Præfecturam & Comitatum Parisiensem, Ducatum Valoisum, Ditionesque Hurepensium & Gastinenium. Coluerant autem hanc olim cum aliis Bellovacis & Parisiis. Bellovacis saepe nominantur apud Cæsarem & Plinium. Straboni Bellacensis Ptolemæo Bellacensi. At mediæ ætatis Chronographi, Gregorius Turonensis, Ado Viennensis, Regino, Aimoinus, & alii, Belgivacos vocant. Qui in nominibus ludere amant, ita dictos volunt, quasi *bello vacantes* vel *bello acutos*. In notitia Provinciarum est *Civitas Bellovacorum*. Hodie Beauvoisin, L' Eresché de Beauvais. Adscribam Cæsaris loca. lib. 2 ita ait: *Cæsar ob fidibus acceptis, primis Civitatis, atque ipsius Galba Regis duobus filiis, armisque omnibus ex oppido transditis, in ditionem Sueffones accepit, exercitumque in Bellovacos duxit: qui cum se, suaque omnia in oppidum Bratuspantium contulissent, atque ab eo oppido Cæsar cum exercitu circiter millia passuum V abefset, omnes maiores natu ex oppido egressi, manus ad Cæsarem tendere, ut voce significare cœperunt, sese in ejus fidem ac potestatem venire; neque contra populum Romanum armis contendere.* Et lib. 7: *Bellovacis autem, defectione Eduorum cognita, qui antea erant per se infideles, manus cogere, atque aperte bellum parare cœperunt. Tum Labienus, tanta rerum communitatione, longe aliud sibi capiendum consilium, atque antea senserat, intelligebat. neque jam, ut aliquid acquireret, prælioque hostes lacefferet, sed ut incolumem exercitum Agendicum reduceret, cogitabat. Namque altera ex parte Bellovacis, quæ civitas maximam in Gallia habet opinionem virtutis instabat.* Scribit etiam autor libri 8 de Bello Gallico, Bellovacos belli gloria Gallos omnes Belgasque superasse. De iisdem Strabo lib. 4, *αὐτὸν δὲ τὴν βέλοντας δέσποτες φασὶ καὶ ἡγετες Σεβαστούς.* Ipsorum Belgarum optimos fortissimosque esse ajunt Bellovacos, post hos Sueffones. Bellovacorum rempublicam aliquo modo depingit Cæsar; quum docet, eos Principes suos ex se deligere solitos: ut inter certos, Corbeum illum; qui, licet civium suorum exercitu deleto, nulla tamen calamitate

Bellovacis  
verna popu-  
lum.

victus adduci potuit, ut excederet prælio, aut silvas peteret, aut, licet Romanis invitantibus, fœse dederet; quin fortissime præliando, compluresque vulnerando, cogeret elatos iracula viatores in se tela conjicere. Senatus idem Bellovacorum memoratur à Cæsare, & plebis auctoritas: unde illa fuit ad Cæsarem Bellovacis Senatus excusatio, *Nunquam Senatum in civitate tantum vivo Corbeo, quantum imperitam plebem potuisse.* De iisdem ita Ado Viennensis: *Bellovacis, qui ceteris numero & virtute praestare viderentur, habuerent lectissima L X milia armatorum.*

Dixi modo, partem Franciæ esse Ducatum Valoisum, quod vulgo *Le Pays de Valois*. Ad eum præfectura pertinet Sylvanectensis, sic dicta ab oppido Sylvanectum, hodie *Senlis*. Sub hac Sylvanectensi præfectura, simulque sub Ducatu Valoisio est *Comitatus Bellovacensis, Comté de Beauvois, Beauvoisin*. Hujus Ditio initium capit ultra Aësiam ad oppidum *Beaumont*.

Agricolæ hujus territorii tempore Ioannis Regis seditionem moverunt, quæ vulgo dicebatur *Iaquerie*. Petebantur ea præcipue nobiles, quorum non pauci leguntur trucidati. Compescuit tandem Carolus Delphinus Franciæ. Metropolim habet *Bellovacum*, sic nominem oppidum, quod vulgo *Beauvais*. Apud Cæsarem, ut nobiliss. vir Iosephus Scaliger scribit, est *Bratuspantium*, addens sub Cæsaribus transnominatum *Cæsaromagum*. Bratuspantium tamen, Carolo Bovillo pagus hodie putatur *Granviller* vel *Grattepanche*: aliis *Clermont en Beauvoisin*: Vigenereo Beaumont ad Aësiam. Bratuspantium memoria servatur in vita S. Guiberti: item in historia Ansfridi Episcopi Ultrajectensis apud Siegbertum. Sed quid opus ex Bratuspantio Bellovacum faceré, cum ipse Cæsar loco supra citato *Bellovacum civitatem nominet, à qua populi Bellovacis dicti*. Bratuspantium & Bellovacum urbes distinguit, licet utramque in ditione Bellovacorum ponat. Fuit & *Belgium* civitas Bellovacorum magna, & inter Belgas auctoritate atque hominum multitudine præstans, in qua Cæsar interdum hibernavit; ac plures ejus legiones interdum in hibernis fuere. Güicciardinus, Inferioris Germaniæ scriptor, hanc urbem Bellovacum Picardorum esse disputat, non *Bavacum, Bavais, Walonense in Hannonia*.

Est autem Bellovacum Vrbs situ amoenissimo, adsitos habens hinc montes fertiles non descriptos

Gallia.

F

adeo